



2200

(25004)

繁峙縣志卷四

列女志

田氏王瓘妻瓘早逝氏以貞節著孤仲實有孝行聯  
被旌表

韓氏王仲元妻瓘子婦也夫亡守節鄉黨稱焉

右元節婦二人並見皇慶元年王氏世德碑

擬詞

侯氏東關糜巖妻年二十一生子麟甫四歲夫病

屬曰親老失養不孝滿大願終吾志死亦瞑目氏泣

誓日有不踐斯言者天必殛守節五十餘年養姑育



山西書局藏  
地方文獻

01403

幼百折不磨天順中旌

舊志

姚氏福連坊李敏妻年十八夫亡遺腹生子撫之成

立

李氏陳登與妻無出納妾賈氏夫亡賈方孕李相與

誓死未幾生男共撫之壺守甚嚴歷久不變以雙節

旌

孫氏下茹越侯鳳梧妻年十九夫亡守節撫孤成名

鄭氏王傑妻早孀艱苦備嘗撫孤成名

右明已旌節婦五人

並入祠

朱氏舊東關庠生張九成妻年十九夫亡家貧苦節

自守撫孤肯播成名年七十而卒巡按桂旌之

舊志

鄭氏舊東關張九職妻年二十一夫亡苦節撫孤子

篋遺腹子秀後俱入庠巡按桂旌之

范氏小李牛村樊元妻年二十夫亡矢志守節孝養

舅姑撫孤一魁入庠巡按陳旌之

張氏城內鄭文魁妻年十九夫死家貧甘心凍餒蓬

頭采薪針黹度日教子成立巡按黃以苦節旌之

吳氏城內張皇師妻年二十四夫亡遺孤甫六月茹



茶守志克底成立子爾貞亦以孝聞巡按蔡旌之

侯氏舊東關王日是妻年二十五夫亡家貧矢志不

二撫孤謝嗣成立巡按蔡旌之並見舊志

右明外旌節婦六人並入祠

陳氏作頭村馬珽妻年二十夫亡子幼矢志不渝孝

養其姑克盡婦道舊志

楊氏狼澗村帥祿妻年二十而寡孝事舅姑撫子衛

國成名

張氏京留屬高山妻年二十夫歿無子舅姑欲奪之

歿死自誓姪文身為嗣課讀成名

陳氏舊東關張素明繼妻也夫亡遺前室子二已生

子二撫育無異崇禎七年所居堡被兵將破氏激烈

慷慨聚族人謀之曰失堡而生不如固守而死乃易

男子衣冠親冒矢石禦之兵退一堡獲全子淑心後

成武進士案事在崇禎時舊志作天啟七年非又今南關本舊城東關舊志時書東關時書南

關參錯不一並改正

右明末旌節婦四人前三人並入祠陳氏擬增入

韓氏何廷悅妻年十七夫亡遺腹生子撫育成立至

孫肇興入文學

舊志

張氏何惠元妻年二十夫亡子甫七月矢志撫之事舅姑維謹子相如諸生

孫氏古家莊陳鳳梧妻

殷氏侯宏妻青年守節子安民甫投室而卒其婦郭氏亦矢志不渝以雙節旌

侯氏南關張春元妻家貧苦節撫孤成名

宋烈婦李舉子妻舉子外傭婦虛扃以待倦臥村人某窺知啟扉入強逼之氏驚覺喊拒其人奔逸舉子歸以告忿泣終夜投繯死

郝烈婦張福永妻年二十而寡守節三年矣一日偶歸母家值母攜弟外出止幼妹在室婦如廁鄰某瞰知闖入婦喊罵其人逸去午後母歸婦以情告哭不止是夜自經

劉氏趙忠獻妻年二十守節家貧操作甚苦事舅姑生養死葬無遺憾

白氏朱峪監生孟延生側室也延生卒矢志撫孤事姑有孝稱子兆儒亦入國學繼父業

郭氏孟兆鳳妻年二十三夫亡矢節事舅姑曲盡孝道繼姪執信爲嗣教之成立身列膠庠

郭氏生員梁清泉妻年二十二夫故甘守清貧奉養舅姑遺孤崢生甫六月教養備至後入太學

任烈婦張宣妻驟爲無賴子所迫汗以穢語大忿投井死

趙氏高佩妻年二十三守節孝事舅姑持家有法子士泰諸生孫如阜如岡並登武科

並見舊志

右嘉慶以前已旌節婦十人烈婦三人

並入祠

劉氏諸生韓舜臣妻年二十五夫亡敬事舅姑撫子林森入庠縣令胡匾旌之

魏氏劉恕妻年十九夫亡無子家貧勤女紅以養舅姑族人憐之爲之立嗣苦節終身學使喀旌之

張氏許瑄妻年十七夫亡矢志撫孤終始不替縣令孫匾旌之

張氏福鍾坊庠生韓士燦妻年二十夫亡無子撫姪鍾葵爲期後入庠學使旌其門

張烈婦大壽附登黃韓月明妻夫亡家赤貧藉草而



臥自矢靡他聞舅姑欲奪其志遂自盡縣令李表爲  
完節祭其墓

董氏南關廩生王增善妻年二十三夫亡事舅姑撫  
幼子孝慈兼盡縣令周旌其門

白氏南關張沛霖妻年二十五夫亡子幼家徒壁立  
母家與翁議令改適氏矢志靡他女紅度日鬻簪簪  
衣資二子課讀長克鐸次克明並入庠縣令周旌其  
門

魏氏庠生楊預瑞妻年二十一夫亡子甫周晬族人  
利其產迫之攜子改適氏持刀哭於夫柩前截髮剜  
面力救乃止自是無敢復以爲言者縣令李匾旌之  
李氏楊御國妻年二十三夫亡事孀姑撫幼子始終  
不易其操學使吳旌之

郭氏張文玉妻年十八夫亡遺腹生子鞠育成立垂  
死曰吾今可以見地下人矣縣令劉旌之

張氏澤萌泉梁士偉妻年十九夫亡氏方孕每夕焚  
香祝曰願天賜男以延夫祀果生子清選撫以入庠  
年八十一而終學使呂旌其門

劉氏南關張秉全妻守節四十年卒學使呂旌其門  
李氏福連坊郭堯賓妻年二十守節遺腹生子繼昌  
既入庠而天又撫其孤璽亦爲諸生氏年八十二卒  
縣令麻載均匾旌之

韓氏張璠妻年二十夫亡守節撫幼子成名學使陳  
匾旌之

郎氏張法先妻年二十四夫亡孝事翁姑撫子成立  
學使周旌其門

韓氏孫琿璋妻年廿二而孀食貧守志學使周旌之

糜氏生員陳士選妻年二十

四守節撫子國弼入庠  
食廩饒學使賀匾旌之

張氏韓爾霖妻年二十五遭夫喪子待聘生甫六日  
撫以入庠學使賀旌其門

姚氏張世偉妻年二十二守節撫子陶武成立學使  
國匾旌之

李氏崔涵妻夫亡家貧二子俱幼猶子某亦失怙恃  
零丁孤苦氏茹荼撫之其後長子拒桂爲文學次子  
與姪亦自成立學使國匾旌之

曹氏高允中妻年二十三守節孝事舅姑訓子成名



學使黃匾旌之

王氏高尙功妻年二十守節子未周啐後以諸生貢太學學使黃匾旌之

劉氏鄧發妻年二十二守節歷六十五年卒縣令楊旌其門

武氏孫清妻年二十二夫亡遺腹生子希康撫之遊庠學使李匾旌之

張氏杜恒建妻年二十四守節孝事舅姑撫三歲孤成立學使汪匾旌之

黃氏張鎮妻青年守節學使汪匾旌之

姚氏糜琳妻夫亡守節舅姑皆廢疾侍養不倦撫三歲子成立學使汪旌之

樊氏賀嗣昌妻夫亡守節其子達早夭媳王氏亦矢志不二縣令孫及學官並匾旌其門

李氏廩生劉庶之妻青年守節庶之弟富之亦諸生早卒其妻李氏並以節著儒學劉鄭以雙節匾其廬韓氏劉鳳鳴妻夫亡守節學使黃旌之

喬氏康維垣妻守節四十七年卒學使黃旌之

韓氏支發偉妻夫亡守節事翁姑甚有孝稱訓子入庠儒學趙匾旌之

徐氏王萬壽妻年二十二守節孝翁姑撫孤幼儒學劉嘗匾旌之

郝氏何令德妻年二十五守節事姑訓子備盡孝慈學使匾旌其門

高氏霍振業妻年二十二夫亡撫孤成立儒學祁匾旌之

李氏賀承業妻于歸時舅姑已卒時以不及服事爲

憾後遭夫喪獨持門戶樂善好施鄉里欽之儒學李

嘗匾旌之

以上並舊志外旌者

王烈婦聖水村韓繼盛妻夫以溺死婦朝夕痛哭乘間經於柩側

楊氏下匯村魏澹初妻年十九夫亡子朝棟方二歲苦節鞠育訓以入庠

梁氏庠生韓嗣鼎妻夫卒無子撫姪大觀如己出後爲文學

李氏佚其夫名蓋他鄉寄居南關者夫亡貧苦無依

年甫二十誓死靡他資鉞荷度日卒年七十

張氏大木瓜村韓養周妻夫亡家赤貧二子皆未免  
乳氏備身樵牧日拾遺穗夜操杵日勤苦之狀十指  
時見血痕撫二子皆成立年七十而卒

韓烈婦趙天寶妻年二十夫亡家貧無依葬夫既畢  
哭泣數日自經死

郎氏韓天成妻苦節四十年

霍氏沙嶺村許明妻年二十而孀遺孤甫晬舅姑年  
皆衰老仰事俯育以完節稱

張氏侯封宋妻年二十四守節撫孤裕德訓之入庠  
裕德死又撫其孫人稱節孝

韓氏侯莊臨妻年二十守節終身不渝  
王氏大木瓜村韓配妻二十二守節壽九十三

陳氏歲貢王家祥妻家祥年六十喪偶思得健婦  
可持家政久之無應者時氏年十四言於父願嫁之  
父壯其志從焉歸十年而家祥卒營葬既畢蓬首垢  
面於財物一無所私耗或謂之氏曰夫老而娶欲以  
家事相託耳若稍失何以見地下矢志終身不變所



守

史氏高世輔妻年十八守節撫遺腹子岱成立

韓氏魏德芳妻年二十矢志字孤子死又撫其孫守節逾四十六年

左氏吳安妻年十九夫亡撫遺腹子成立家貧甚苦節歷五十四年

董氏梁臣衛妻年二十三守節卒年八十有二子元正以力田起家

孟氏楊勃妻年二十而孀矢志存孤

劉氏殷殿國妻青年矢志撫孤成立

曹氏任貴妻年二十而孀苦節四十餘年卒

韓氏趙連科妻年二十二夫亡撫三歲孤純儒成立守節踰四十五年

韓氏庠生李翹妻年二十五守志撫孤茹荼自甘

范氏李路妻守節歷四十九年

劉氏韓效姬妻年十九夫亡無子矢志奉姑以孝聞劉氏李允中妻年二十四守節撫子成立

高氏劉公官妻青年守志艱苦備嘗

李氏郭泰妻年二十一守節歷五十三年卒

王烈婦何許可妻夫歿哀毀誓以身殉既葬家人防稍懈乘間自經年二十二去許可卒未再旬也

高氏庠生鄧事宜妻

傅氏郭純儒妻守節歷四十八年卒

郭氏宮理元妻年二十一孀撫周巖孤成立孝事舅姑鄉里欽之匾榜其廬

韓氏劉維屏妻年二十二夫歿家貧親老孤又瞽目矢志不二鄉黨賢之

楊氏郭峰妻

王氏孫寬泰妻夫亡無子翁故有昆季三乃議以次房寬成子爲夫嗣及析箸氏勸翁以已產與長三房均析之其明大義若此

楊氏韓天春妻夫亡守志孤死又撫其孫

高氏鄭蘇周妻年十九守志撫子成立

樊氏宮玉鳴妻守節歷四十四年卒年六十九

劉氏鄭邦基妻守節歷五十三年卒年七十二

馬氏張全仁妻甘貧守志撫子成立

韓氏唐嗣堯妻年二十二守節舅姑廢疾侍養二十餘年甚有孝聲子德峻諸生

張氏韓國寶妻家貧苦節仰事俯畜獨力支持

劉氏石恒泰妻安貧守節撫孤成立

王氏魏岱妻青年守節子二並爲諸生

張氏馬應泰妻年十七夫亡事姑慈幼矢志不移親族咸重之以冰清玉潔匾其廬

謝氏宮明倫妻守節歷二十九年卒

王氏李瑜妻

霍氏鄧天秩妻早歲孀居孝事舅姑訓子甚有義方

梁氏宮效奚妻苦節歷三十五年卒

王氏鄭秉善妻

韓氏郭永春妻

張氏高成基妻守節歷五十四年壽八十有二

穆氏韓吉妻家貧苦節數十年備嘗艱辛

楊氏王緒文妻食貧守志始終不渝

梁氏鄭邦佑妻

馬氏范泰來側室年二十七夫亡踰年嫡李氏亦繼



逝氏奉姑訓子守節歷三十五年卒

劉氏高子潔妻

馮氏楊金鳳妻

鄭氏楊搢紳妻

韓氏鄭延年妻守節五十五年性勤儉善居積家日以裕訓子甚有義方

鄭氏楊泮林妻守節五十三年壽八十四

呂氏康廷重妻

鄧氏任文妻安貧守志撫子成立

右道光以前未旌節婦九十二人烈婦三人並見舊志

孫氏左襄妻年十八守節卒年七十

魏氏庠生王璋妻守節十二年卒

韓氏侯震妻守節六十五年卒年八十九

韓氏劉丕基妻年二十一守節卒年六十

李氏姚宣武妻守節四十八年

姚氏楊千章妻守節五十三年

以上六人載舊志

韓氏侯三聘妻年二十三守節卒年九十二

鄧氏侯國瑞妻年二十一守節歷二十四年卒

劉氏侯名譽妻守節二十九年

黃氏侯清恭妻守節二十一年

楊氏劉以正妻守節二十一年

范氏庠生魏文妻守節三十一年

侯氏姚開妻年二十守節卒年七十五

孟氏庠生魏敷妻守節四十五年

喬氏侯鍾靈妻守節五十年

賀氏趙尙友妻年十八守節卒年三十

李氏趙德壽妻年十八守節卒年五十

邢氏張崇儒妻守節六十一年卒年八十三

盧氏王家聘妻守節四十一年

武氏高天泰妻守節三十三年

何氏梁遇春妻守節十七年卒

辭氏鄭舟妻守節六十五年卒年九十有一

李氏陳雲妻守節五十八年卒年八十有五

王氏薛聚錢妻守節三十二年

王氏高秀峰妻守節五十五年

侯氏張吉妻守節三十七年

張氏侯發妻守節五十八年卒年八十有六

孫氏侯謹行妻守節四十七年

劉氏侯昂然妻守節五十二年

張氏楊秉義妻守節十年卒

武氏孫靖妻守節三十九年

宮氏劉業妻守節二十六年

張氏韓爾霖妻守節五十年

陳氏屈子謙妻守節四十七年

高氏喬尙泉妻守節五十一年

高氏楊映漢妻守節三十一年

宮氏下茹越村侯效順妻年二十守節卒年六十五

廉氏城內岸生左騰蛟妻守節三十九年

張氏廉世璧妻守節五十年

韓氏劉永祥妻守節三十三年

郝氏楊聯芳妻守節十三年卒

李氏西義村喬蘭妻守節三十九年

石氏韓興利妻守節四十三年



宮氏李牛村武定國妻守節三十二年

高氏張震鏞妻守節四十四年

王氏姚家莊王秉忠妻守節三十七年

劉氏千總徐州妻守節三十八年

席氏高如玉妻守節三十二年

張氏褚秉俊妻守節五十五年

劉氏李先誠妻守節三十八年

郭氏庠生宮肇慶妻守節四十四年

梁氏光裕堡宮周南妻守節二十一年卒

梁氏郭永福妻年十九守節卒年六十七

韓氏李世發妻守節四十五年

張氏李昌盛妻年二十二夫亡撫孤成家七十八卒

于氏張永妻守節五十一年

師氏王建都妻守節七十一年卒年九十有九

魏氏梁清表妻守節四十八年

張氏楊卓妻守節十九年卒

徐氏張信妻守節五十四年卒年八十有一

段氏王高妻守節五十四年卒年八十有一

楊氏張鴻妻守節四十五年

王氏陳筠妻守節四十二年

劉氏魏元龍妻年十九守節歷四十九年卒

郭氏侯殿元妻守節三十一年

李氏三會村鄭文錦妻守節六十三年壽八十八

鄭氏經歷孟師冉妻年十八守節卒年三十三

張氏任士達妻守節四十四年

劉氏韓步已妻守節四十六年

宮烈婦恩貢見龍女年十七歸果園郭氏子際盛歸

四年際盛遘疾卒婦哀痛絕粒歛之日飲醢以殉

州代

孫三聘輓詩云朝來營奠淚全傾痛絕深閨四載情  
一死從知明大義九泉豈爲博虛名履霜素志惟懷  
潔矢日丹心不負盟如此英魂天亦諒  
年年芳草隴頭榮 以上並已故入祠

孟氏康廷位妻年九十一守節歷六十三年

韓氏侯書笏妻年九十守節歷六十五年

張氏郭永年妻年八十七守節歷六十三年

韓氏劉璋妻年八十六守節歷六十年

王氏張步青妻年八十五守節歷六十年

姚氏張震器妻年八十四守節歷五十五年

郭氏陳鋒妻年八十四守節歷六十四年

劉氏張春福妻年八十四守節歷五十六年

李氏張維城妻年八十二守節歷五十三年

王氏張元妻年八十一守節歷五十五年

裴氏王道南妻年八十守節歷五十二年

石氏張作礪妻年八十守節歷五十四年

鄭氏庠生李春杰妻年七十八守節歷五十年

趙氏王保全妻年七十八守節歷四十九年

楊氏鄭逢年妻年七十八守節歷五十年

劉氏聖水村韓佺妻年七十八守節歷五十年

韓氏張映璧妻年七十六守節歷四十九年

田氏下茹趙侯爵華妻年七十五守節歷四十六年

梁氏下茹趙侯爵華妻年七十四守節歷四十六年

康氏鄭芬妻年七十四守節歷四十六年

王氏胡德滿妻年七十四守節歷五十五年

彭氏張登智妻年七十三守節歷四十八年

李氏張登智妻年七十三守節歷四十二年

于氏武生張壽祥妻年七十二守節歷四十三年



梁氏徐昌妻年七十二守節歷四十三年

郭氏康廷儒妻年七十一守節歷四十七年

郎氏劉郁妻年七十守節歷四十三年

楊氏庠生孫希康妻年六十九守節歷四十四年

馮氏李園芳妻年六十九守節歷四十三年

張氏庠生李元倚妻年六十七守節歷三十九年

陳氏梁緒唐妻年六十七守節歷四十七年

宮氏王興妻年六十七守節歷三十八年

石氏韓晉侯妻年六十六守節歷三十八年

蕭氏韓武侯妻年六十六守節歷三十八年

郭氏趙德成妻年六十五守節歷三十九年

原氏辛步高妻年六十四守節歷三十六年

柳氏果園村議敘九品郭耀賢妻年五十九守節歷

三十五年

盧氏高銀財妻年六十三守節歷三十五年

范氏楊秀嶺妻年六十六守節歷三十三年

許氏李道妻年六十守節歷三十八年

李氏薛成輝妻年五十九守節歷三十四年

居氏張學冉妻年五十九守節歷四十二年

左氏梁仙峰妻年五十八守節歷三十九年

席氏魏儒林妻年五十八守節歷三十九年

李氏孫德業妻年五十七守節歷三十六年

吳氏郭健妻年五十七守節歷三十八年

韓氏張紹芝妻年五十七守節歷三十六年

李氏范廷蘭妻年五十六守節歷三十七年

張氏張之綱妻年五十六守節歷三十八年

崇氏劉三省妻年五十六守節歷三十八年

左氏庠生侯嗣業妻年五十六守節歷二十九年

孫氏鄭訂妻年五十四守節歷二十八年

以上並見存

右同治中彙旌節婦一百二十一烈婦一人

張烈婦村民江亮妻亮死舅姑憐其少欲嫁之母家

復懇懇力奪其志婦度不能守遂自經年甫二十去

亮死年餘也

代州馮德銘張烈婦記略烈婦張氏者

游江生才之

繁時大寨口農家女也年十八歸石塘

以給結稱甫二

載亮家貧父母年俱老夫婦力田

一如男子翁姑憐其少艾嘗勸令改適婦泣然曰婦

之不嫁以有翁姑耳翁姑脫不幸婦固有以自處勿

庸慮也自亮死家無次丁值歲歉生計益窘婦得米

輒別歲每夕歎慟是幼姑食潔治以進而自噉糠

列女志

數時或不飽卒無他志而母家終利其嫁相與聚謀翁姑亦冀得資聘爲娛老議定乃與婦言婦默然而泣下曰婦自是不得事翁姑矣方冀假以歲月翁姑得終天年有以見亡人於地下今之不能終養亦命也夫村愚昏瞶以爲婦素順從其志已奪也咸喜慰其夕婦自縊死馮贅生曰余聞婦死於嘉慶初年當時父老存者無幾而童穉婦女豔稱其事至今不絕蓋其所感者深矣婦一村女耳未嘗讀書而見道分明立志堅定其對翁姑數語抑何侃侃歟迨至萬士大夫時或難之而深山窮谷細弱女子乃從容而赴亦異矣哉

趙氏廩生楊振藻妻守節十四年卒

姚氏光裕堡宮理妻守節十七年卒

梁氏西義村高萬春妻守節十八年卒

高氏古家莊康爾寬妻守節二十一年

楊氏庠生范耀妻守節五十二年學使黃匾旌之

賈氏庠生范體中妻年二十二守節學使龍匾旌之

劉氏貢生賀時若妻守節六十年子希曾諸生孫選

齡以武科起家

陳氏閩昌妻守節五十二年

李氏邢治妻守節五十五年

李烈婦沙潤驛賀聖齡妻年十九而孀無子矢志不

二父母迫令改適難經死



孫氏謝步臯妻守節四十三年

宮氏王鈞妻守節三十六年撫遺腹子成立

李氏任福源妻守節五十三年

李氏趙榮士妻守節四十九年

侯氏果園村郭象賢妻年十八守節卒年四十二

喬氏孫家莊范來喜妻年十九守節卒年八十一

李氏聖水村韓映陽妻守節二十五年

張氏樸寨何明妻守節六十三年卒年九十二

趙氏後河村陳榮妻守節四十七年

李氏沙澗驛王接續妻守節四十七年

孫氏大營鎮邢法文妻守節六十二年卒年八十三

殷氏下匯村魏元龍妻守節四十四年

張氏徐應清妻守節三十三年

范氏下匯村魏文妻守節四十年

張氏武進士楊映河側室年十九守節卒年三十

趙氏陳鎔妻年二十七守節卒年六十五

張氏韓永祥妻守節五十六年卒年八十三

劉氏魏懷毅妻守節四十一年



梁氏富家莊劉克謙妻守節二十七年

楊氏孫禮妻守節三十五年

趙氏李朝選妻守節三十四年

魏氏高升寨高及第妻守節二十一年卒年四十八

歲

馮氏邢毓軫妻守節二十二年

以上並已故

劉氏李步升妻年八十六守節歷五十八年

郝氏張崇貴妻年七十六守節歷四十七年

閻氏任成業妻年七十二守節歷四十八年

霍氏黃家莊孫錫桓妻年六十八守節歷三十八年

耶氏范中義妻年六十八守節歷四十四年

石氏王正綱妻年六十八守節歷四十三年

馬氏徐懷妻年六十五守節歷三十七年

喬氏武生馬效鑾妻年六十三守節歷三十六年

陳氏平刑關趙舉妻年六十四守節歷三十八年

張氏郎長年妻年五十八守節歷三十年

鍾氏邢國望妻年五十八守節歷三十八年

王氏光裕堡宮守祥妻年五十七守節歷二十八

王氏福連坊盧琳妻年五十四守節歷二十八年  
溫氏曹家寨王步選妻年五十守節歷二十二年  
柴氏高陵村張成一妻年四十九守節歷二十五年  
鄧氏筆峰村楊映濤妻年四十九守節歷二十七年  
王氏監生李國本妻年四十九守節歷二十年  
糜氏光裕堡宮守直妻年四十七守節歷三十年  
李氏劉錦妻年四十八守節歷二十三年  
宮氏生員樊毓桂妻年四十五守節歷二十二年  
邢氏楊俊妻年四十五守節歷二十三年

李氏澗頭村楊長春妻年四十三守節歷二十四年  
子瀛附貢直隸候補州判

楊氏薛登高妻年二十五歲夫亡存年五十六歲守  
節歷二十七年

李氏任文明妻二十七歲夫亡卒年六十五歲  
高氏郭兆陽妻年十九夫亡守節歷二十三年

右採訪冊待旌節婦五十七人烈婦二人

附載善  
繼妻楊

氏年四十七守  
節歷十八年

藝文志

新纂

邊土人文自昔罕著時俗蔽於帖括難語專門故老著述泯焉無聞間存篇目亦不備甲乙丙丁之錄略爲論次俾留意古學者猶有稽焉斷章逸句比之吉光片羽皆坳存之

金胥鼎詩文集

佚

元好問中州集貞祐六年鼎行臺衛州以病薨於位雷希顏爲作神道碑云黃霸爲良吏稱首及爲丞相與張敞論列功名大減王允當漢祀之衰計

誅董卓近古社稷臣然不赦涼州人旋致催汜之  
 禍蕭俛之清介崔植之論議皆足為唐名臣而俛  
 議銷兵植餓朱克融輩不界一官遂再亂河朔彼  
 或量不足或才略有所窮權不足以濟事知不足  
 以知時故也以姚崇之賢惟其不知道未免為救  
 時之相其他可知也國家有通明相曰英國胥公  
 尚兼數公之長子謂希顏此論似涉過差至於為  
 國朝名相以度量雄天下則在公為無媿矣在長  
 安日乞致仕表云興造功業方聖主有為之日表

襄山河豈愚臣養病之地送弟有之云世事正須  
 高著眼宦途休厭少低頭他文類此弟恒常之子

嗣祖今在燕中

案中州集存詩一首樂府一首又其父持國詩一首增見姚孝錫小

傳註中文惟奏疏金史多採入本傳通志藝文載其與沱滿胡土門書一首餘無傳茲並增錄於此與沱滿胡土門書云元帥始鎮河中惠愛在民移旆晉安遠所忻仰去歲兵入平陽不守河東保完者惟絳而已蓋公坐籌制勝威德素著故不動聲色以至無虞也邇來傳聞治政大綱科徵太重鼎竊憂之古人有言御眾不寬則人多懼禍用人有疑則士不盡心况大兵在邇鄰境已虛小人易動誠不可不慮也願公以謙虛待下忠厚結人明賞罰平賦稅上以分聖主宵旰之憂下以為河東長城之託興定二年書送弟恒作州詩云男子四方志人生五馬榮君恩何以報民政不宜輕御



物當從恕存心要盡誠勿矜新號令姑守舊章程  
歛暴單貧困因淹狡僞萌慈柔難禁暴苛急必傷  
生東郡吾將老西陲敵未平一生能幾別四事果  
難并方此對牀樂愴然分袂驚荒詩何足記聊寫  
弟兄情阮郎歸詞寄李都運有之云人情冷暖  
共高低疎慵非所宜老夫碌碌本無機閑教造物  
疑此心應不知鬢絲垂山林先有期故人道掛冠  
遲老河東誰與先生臭味同早歲遽辭名宦裏百  
子常樂聖賢中醉軒風月千秋恨蝸室樽壘一夢  
空餘鄉淚託東風

明廉有象文集 佚

舊志存賦一首記一首雜著二首 修預備倉記詳

向日賦云乙巳之冬臘月哉生明之次日天色晴  
明日氣融和陰雲不作冽風不生三冬氣候宛如

九十春光野叟就日於臘天伏地軒下藉草爲毯  
移石作枕偃仰屈伸於其上但見日白天青照徹  
五臟六腑平日閑思亂想頓覺冰消霧釋一段天  
機自是活潑潑因思前賢雲淡風清天光雲影  
一切吟風弄月之句其光景趣味大抵不過如斯  
因題曰潛身在光天化日之下遊神在陶唐叢皇  
之上棲心於高明廣大之域混迹於流俗濁世之  
中清風明月是吾友前賢往哲是吾朋民安物阜  
是吾願春風沂水適吾情粗衣淡飯隨吾分不貪  
不妒畢吾生題罷餉然一夢不知天地間之有  
野叟又安知野叟之在天地間士大夫居鄉缺  
失證云士大夫退居林下優游泉石以養餘年事  
事俱可度外置之惟有君親師三者未可一日而  
釋諸懷也卽云休沐解綬是不任職位已耳非併  
將朝廷而置之也今士大夫居家者於親無可說  
已於君師大有缺矣竟無一人能深察者試言之  
士大夫一自致仕居鄉以老是委雖遇長至正且  
萬壽千秋各大典漠不相關及問其故則曰致仕

居鄉從前相沿皆不與也噫致仕居鄉果老病不能起動禮儀通不與聞方可徜徉自便今觀在籍休致告假候補等項每遇節序誕辰與官長往來拜祝及遇大節聖壽偏不慶賀凡遇私家封誥爭先遠接及遇頒發詔書偏不郊迎厚薄逆施輕重違背莫不此為甚且告老大臣朝臣廷尚致仕而忘是朝廷不致仕而忘朝廷矣捫心自揣夢寐難安如謂致仕居鄉謝絕朝廷不致仕鄉黨所記夫子必朝也非夫子念念不朝儀不致仕居鄉之日乎其必朝也非夫子念念不夫子致仕居鄉之日乎其必朝也非夫子念念不從前缺之明徵耶凡為臣子千古昭垂之儀哉此子數年來競競不容自已之懷一遇聖誕大節恭設香案望闕叩頭上法夫子遺意下展老臣愚誠此心求安孰云為過特為拈出與同志共為證明更有不忘先師之說惟有向文廟中以盡其誠蓋文廟非他廟可比無敢私建私祭除朔望行香春秋祭祀外封閉嚴肅誰敢以香楮牲醴與諸

神一體衰瀆而為鄉紳貢舉者一自策名出學絕迹宮牆終身再無入廟拜謁之日夫朔望既不行香春秋又不與祭不知更向何地更因何時更備何物以展昭事誠敬之意而祭丁之典屬在鄉紳貢舉各有所須胙肉夫鄉紳貢舉既與祭何以受胙此中必有缺失奈何習而不察且春秋二祭鄉賢祠有祖先位者官師此夜在彼行禮而子孫寢擬隨行禮此心安此子每逢祭丁之夜不能安呂寅叔先生行實一欵乃先得我心何然喜不自勝按先生家寒授徒為養平時不出戶庭每歲春秋祀先師必夜半預詣學前候隨班行禮畢輒去不令縣官知歲歲如此雖陰雨不輟人皆稱為篤厚君子效者比比至今不衰抑先生往矣其芳行昭垂若是也總由一念不忘君親師故也予愧不及前賢幸此心此行同也特立此說以告教在三之義者白雲寺三松說云白雲寺三松列植釋迦殿前中左二株圍各一丈五尺右一株差小

然其高皆數丈也。膚理瑩膩如雪，蓋山中萬松皆然。而此其大者一耳。山中人習見之，不以爲異也。余嘗陟岱嶽中道，有五松，柯幹等常非有殊異。而說者謂此秦皇所封五大夫也。密縣有白松一株，觀者異其色，爲之歌詠。爲之繪圖以爲宇內第一。松矣，抑豈知此山有三松乎？玉骨凌霄，瓊枝插漢。視岱嶽五松，不啻藐小方之密縣。彼一此三，其數不敵也。然數千年來，未有稱其奇者。蓋託根巖寺，岑寂巖嶮，無論車馬所不到，而文人墨客亦罕有涉其境者。安得與泰山密縣同被榮名也？余因而知天下士矣。彼其居高位，履亨途，卽一材一能，皆可樹勳名，而垂竹帛。彼山林高隱之士，閤才魂抱老死無聞者，可勝數哉！四皓之才，未必劣於三傑。桐江釣叟，且昭雲臺而上之。若非高光之世，亦泯泯無聞也。吾於三松乎有感。

國朝劉文彬四書講義

未見

李子郁繁峙縣志四卷 佚

自序云：士不知一邑，又安知天下哉？方其束髮受書，沾沾然人守一篋，日誦一言，不敢稍語戶外事。此與蟲吟草間，何異？余昆季四人讀書家塾時，每歎息曰：我家世茲土，乃惡池戍夫，未識其山川也。後人大鹵未詳其疆里也。世業如胥，莫二氏之赫奕，竟同談上世事，豈非邑志之殘缺使然乎？因於壬申冬，論文之下，分占彙集，思成一書。時從堂兄



子育好綜核名實同懷仲弟子鄭愛課桑麻則官  
師人物田賦諸條二人是任同懷季弟子祁好網  
羅舊聞余亦寄情山水則山川關隘祀典藝文諸  
條分厥勞焉三年之間凡有一得卽質疑於秦來  
韓老夫子丙子稿粗成邑侯周向余索稿第恐一  
家私言不足當合邑公是匿而未與及壬午余司  
鐸甯郡閱盡經書史鑑遂取前稿仍其舊者十之  
三四相爲增損者十之五六又殫二歲之力乃集  
成編視向稍益方今

聖天子崇儒重道昔日戎馬奔馳之區亦遍沐以詩  
書凡茲學宮所貯洵駕石渠而超武庫矣士欲知

天下事舍此其何由愧余有志而未逮也

按是書成於乾

隆壬午僅有鈔本道光甲午縣令周君纂志求之  
不獲別輯爲書其後固始吳君來始得之遂取周  
志參以是書梓行之而繕錄時失於註明原藁並  
佚無從分別檢藝文有繁峙縣考蓋卽本之是書  
者則兩志亦大致相同今集新志於舊文沿革不  
復徵引姑附錄其說於此以見梗概云邑人韓  
復起纂峙縣考山必崑崙水必星宿豈舍近而求  
遠哉牽一髮而頭動蘇子固嘗言之矣繁峙僻處  
邊陲真太倉之一粟渺乎小矣然冀并恒遞有源  
流晉代趙互分本末分屬則雁門太原不一也名  
稱則鹵城後人攸分也蓋嘗總而論之九州首冀  
帝堯之所都也北盡高闕陰山而繁峙猶在其南



浩乎帝德之廣運矣舜分冀州之北爲并合天下  
之州有十二而晉代汾潞皆并也周成王九年封  
弟叔虞爲唐侯仍堯都之舊號子變爲晉侯因晉  
水也晉大夫有趙氏至襄子遂滅代而有其地代  
不詳其始然名甚久而地甚廣觀戰國每稱燕代  
則東與燕連矣而蘇秦說秦王則曰北有代馬之  
饒是西又接秦境故綱目曰并肆汾蔚雲朔定恒  
皆代也則今之州治尙未得十分之一耳初襄子  
望代山川之美元年遂登夏屋誘代王使廚人以  
金斗殺之封伯魯子周爲代成君後李牧居雁門  
功著於邊此郡縣未分以前之大略也秦郡縣天  
下邑屬雁門郡繁峙之名始此而所治則未詳也  
漢時縣有三繁峙仍名舊而城則在渾源西崞口  
山屬雁門不改一曰鹵城屬代郡一曰葭人葭人  
者晉之舊邑也左傳以偁陽子納諸葭人又高祖  
攻反韓王信於代自葭人以徇至武泉時屬太原  
至文帝爲代王平陽以北皆其封邑州縣固未之  
改也新莽改繁峙爲當要鹵城爲魯府後漢葭人

罷鹵城改隸雁門晉鹵城罷復有葭人亦隸雁門  
二縣時有廢置而繁峙獨如故焉北魏以繁峙爲  
郡仍有繁峙縣崞山縣爲屬邑而以恒州統之郡  
而見統於州非常制也東魏僑置武州之故志謂移治  
北靈州北周郡縣俱廢隋開皇十八年復爲繁峙  
縣隸雁門仍治於前僑置武州之所故志謂移治  
於武州城第時已一統而猶寄吐京郡齊郡新安  
郡於邑何也且三郡又何時革平唐縣如故武德  
七年以靈邱飛狐寄治城中貞觀元年分天下爲  
十道而邑屬河東路五代猶雜亂難紀至後周地  
爲劉晏父子所據宋太平興國四年平太原得十  
州一軍邑在焉屬代州堅州之名金元共之而金  
隸太原元隸冀甯不無少異焉明洪武二年改堅  
州仍名繁峙縣屬太原府若夫大啟土宇幅員式  
廓我朝廷萬年不拔之基順治元年大兵取太  
原則五色雲現因置太原府而以代州五臺繁峙  
崞縣屬之雍正二年直隸代州且立學棚士子免  
於奔走而王道平平洵哉四達不悖此其建置之

善不遠過漢唐而與  
唐虞同規乎是爲考

金石志

新纂

唐尊勝陀羅經幢

正書在城中關帝廟無年月

幢八面刻上截字多漫滅經呪之前有序歷述取  
經譯經始末及持奉徵應有儀鳳垂拱永昌紀元  
字可辨經文後字四行則刻石姓名也有見在功  
德主步軍將判官呂口訓妻趙氏男元龍口口口  
口口女十一娘十二娘十三娘十四娘在家一娘  
子聳張士弼權馬軍將判官孟從李師張興劉元

審外口趙進忠口口口口女五娘子施鏡子一  
面權口判官張于審施塲五十口顧堪曹加哈施  
鈴子二隻前句勘官程叔文口口甲衙李敬文妻  
米氏凡之行末一行有蔣夫人及父老康叔文趙  
公謹僧浮休十餘字又識案唐左右神策軍有步  
軍將軍馬軍將軍其屬有判官三人都句判官二  
人他衛軍所無也其句勘押衙諸職亦惟唐時有  
之幘制作渾古字徑三分許麤具規模文頗俚俗  
蓋彼教中稍識字者爲之不知何寺中物後來移  
置於此

宋大觀聖作之碑

正書在舊城內大觀二年立

學以善風化明人倫而人材所自出也今有教養之  
法而未有善俗明倫之制殆未足以兼明天下有孔  
子曰其爲人也孝弟而好犯上者鮮矣不好犯上而  
好作亂者未之有也蓋設學校置師儒所以教孝悌  
孝悌興則人倫明人倫明則風俗厚而人材成刑罰  
措朕考成周之隆教萬民而賓興以六德六行否則



戒之以不孝不悌之刑比以立法保孝弟睦姻任恤  
忠和之士去古綿邈士非里選習爲科舉不孝不悌  
有時而容故任官臨政趨利犯義詆訕貪污無不爲  
者此官非其人士不素養故也近因餘暇稽周官之  
書制爲法度頒之學校明倫善俗庶近於古諸士有  
善父母爲孝善兄弟爲悌善內親爲睦善外親爲姻  
信於朋友爲任仁於州里爲恤知君臣之義爲忠達  
義利之分爲和諸士有孝悌睦姻任恤忠和八行見  
於事狀著於鄉里耆鄰伍保以行實申縣縣令佐審  
察迺入縣學考驗不虛保明申州如令八行孝弟忠  
和爲上睦姻爲中任恤爲下士有全備入行保明如  
令不以時隨奏貢入太學免試爲太學上舍司成以  
下引問考驗較定不誣申尙書省取旨釋褐令官優  
加拔用諸士有全備上四行或不全一行而兼中等  
二行爲州學上舍上等之選不全上二行而兼中等  
一行或不全上三行而兼中二行爲上舍中等之選  
不全上三行而兼中一行或兼下行爲上舍下等之  
選全有中二行或有中等一行而兼下一行爲內舍



之選餘爲外舍之選諸士以八行中三舍之選者上舍貢入內舍在州學半年不犯第二等罰升爲上舍外舍一年不犯第三等罰升爲內舍仍准上法諸士以八行中上舍之選而被貢入太學者上等在學半年不犯第三等罰司成以下考驗行實奏聞依太學貢士釋褐法中等依太學中等法待殿試下等依太學下等法諸士以八行中選在州縣若太學皆免試補爲諸生之首選充職事及諸齋長諸士以八行者爲上舍上等其家依官戶法中下等免戶下支移折

變借備身丁內舍免支移身諸謀反謀大逆

子孫及同

大不恭詆訕宗廟指斥乘輿爲不忠之刑惡逆詛罵

告祖父母父母別籍異財供養有闕居喪作樂自娶

釋服匿哀爲不孝之刑殺人掠人放火強姦強盜若

竊盜及不道爲不和之刑謀殺及賣掠總麻以上親

毆告大功以上尊長小功尊屬若內亂爲不睦之刑

詛罵告言外祖父母與外姻有服親同母異父親若

妻子尊屬相犯至徒違律爲婚停妻娶妾若無罪出

妻爲不嫺之刑毆受業師犯同學友至徒應相隱而

輒告爲不任之刑詐欺取財罪杖告囑耆鄰伍保有  
所規求避免或告事不干己爲不恤之刑諸犯入行  
縣令佐州知通以其事目書於籍報學應有入學按  
籍檢會施行諸士有犯不忠不孝不悌不和終身不  
齒不得入學不睦十年不黜八年不任五年不恤三  
年能改過自新不犯罪兩有三行之實耆鄰伍保申  
縣縣令佐審察聽入學在學一年又不犯第三等罰  
聽齒於諸生之列

大觀元年九月十八日資政殿學士兼侍讀

臣鄭居

中奏乞以御書八行詔旨摹刻於石立之學宮次及  
大學辟廡天下郡邑二年六月二十九日奉御筆賜  
臣禮部尙書兼侍講鄭居中令以所賜刻石

通直郎書學博士

臣

李時雍奉勅摹寫

承議郎尙書禮部員外郎武騎尉

臣

萬昌勝

朝散郎尙書禮部員外郎雲騎尉

臣

韋壽隆

承議郎試尙書禮部侍郎學制局同編修官武騎尉

隴西縣開國男食邑二百戶賜紫金魚袋

臣

李國南

朝請郎試尙書禮部尙書兼侍講實錄修撰飛騎尉南陽

縣開國男食邑三百戶賜金魚袋臣鄭久中

太師尙書左僕射兼門下侍郎上柱國魏國公食邑

一萬又一千二百戶食實封三千八百戶臣蔡京奉

勅題額

殿上祇應臣張士臣奉聖旨鐫

案碑作二截高丈許石巖惡文漫滅過半據江甯

金石記偃師金石遺文記二書校錄之宋史徽宗

紀大觀元年三月甲辰立八行取士科今碑所言

八行及三舍之制並較史爲詳

金大定鐘識

正書在文昌閣大定十年造

金大定十年五月五日造鐘壹鐶重七千斤

皇帝萬歲臣位千秋國泰民安法輪常轉

洪福院主僧嚴麗惠松子法普齊

正覺院主惠識惠泰惠全惠照惠果普頤

聖水院主子溫普肇

觀音院主惠泉

李牛院主樂遇惠最



選擇吉日張忠鐸 張玘

進義校尉商酒同監陳威

承務郎前行歸德府穀熟縣主簿兼縣尉雲騎尉賜  
緋魚袋路由中

保義校尉前義興鎮商酒都監王維懋

代州管內都僧正特授廣攝大德釋

五臺山十寺都檢傳戒沙門釋提

真容下院香嚴寺管內僧惠圓惠昇惠番門人普成  
普就 童行四喜潤喜楊宣

案洪福正覺聖水觀音李牛諸院大概皆宋時所  
建者鐘不知爲何寺物亦不知何時移於此志之  
以存古村聚禪寺名餘無足紀

元正覺寺鐘識

正書在寺中至元十四年造

大元國至元十四年丁丑歲鑄鐘一顆重九千餘斤  
庚戌月乙未日建

鑄鐘沙門授君不花駙馬鈞旨前住持僧惠智門人  
副院普堅



大清涼寺堅州西關正覺禪院鑄鐘沙門授駙馬鈞  
旨前山門十寺都提點堅州祝延

皇帝萬歲太子大王后妃天眷臣口官寮常居祿位  
法界有情同登彼岸法輪常轉

本寺住緣沙門

宣授講經律論傳大乘戒沙門洪福大師惠湛

授忒木大王令旨前堅州管內僧正大師惠演

案前志載正覺寺一在城內一在古城西關一在

滹沱河濱今惟城內寺存而鐘識云堅州西關則

城內之寺實自古城移來者古城西關本濱滹沱

疑當初實一地也鐘鑄於至元丁丑前志乃云西

關寺元甲辰年所建不知何據也

元故都元帥劉公神道碑

正書額篆書在宋峪村至元中立

□□□□□□□□□□□□□□□□□□□□□□

□□□□□□□□□□□□□□□□□□□□□□

鄉里推重當□□□□□□□□□□□□□□□□

□□□□□□□□□□□□□□□□□□□□□□

□□□□□□□□□□□□□□革□喪□之  
後寇盜蠶起公抗撥亂之志披荆棘扞豺虎□境之  
民弱而□難□□□□□□□□□□□□□□□□  
□□□□□□□□□□□□□□或值凶旱寢食不遑  
齋沐引過走謁羣望動以至誠有□輒應歷數年明  
德政□□□□□□□□□□□□□□□□□□  
加□騎衛將軍堅州都元帥兼節度使懸帶虎符金  
牌便宜行事當是時也城邑蒿萊玉石俱焚庶事草  
創□于公廡□□道宮城樓橋梁之屬窮率吏民咸  
與維新夫人郭氏前公卒子男二人女二人長曰澤  
次曰瑛□李氏子男一人曰琮女一人澤娶鐵氏女  
一人弱冠質於公主位下積有年矣一日鐵氏偶疾  
而終澤以服勞之故深蒙見知懿旨賜以室女陳氏  
繼□中饋公是時春秋已高累□□退特蒙懿旨擬  
令子澤承襲職位充堅州管民長官公退休之日好  
善忘勢累歲嘗請□□緇侶結春夏講□席日以香  
火焚修爲事以公之能自奮發立功立事仕宦□貴  
按之當今無輩雖從古人中求之不多得也享壽七

十有五癸卯年五月十一日以病終於私第之正寢  
尋附葬於先塋禮也瑛性孝弟爲人俊偉卑以自牧  
富而好禮素達權變亦任太原路金銀丹粉冶提領  
子男六人庚申年三月二十一日以疾前兄卒享年  
五十有五琮天資淑善少孤能自立嘗爲本州司候  
鄉里甚愛重之子男一人曰子厚惜口年方知命不  
幸而有疾終於至元十九年七月十七日長子澤向  
襲父職居官莅事大率以柔是尙臨民之際惟恐有  
傷不以利祿爲心惟嗜酒未嘗一日不飲未嘗一飲

不醉放浪樽俎間談笑自若不爲明日計壽五十有  
七中統口年五月初口日中道而亡夫人陳氏子男  
三人長曰懷玉口口其字也爲人美儀觀幼聰敏風  
彩英俊負聳壑昂霄之志歲在丙辰奉太原路總管  
府擬令繼襲父職充堅州管民長官在任政平訟理  
吏民愛敬至元二年國朝遷轉官員以來由堅而代  
自代三仕孟管隰知州終始二十五年之間兩授宣  
令口仕至武略將軍兼管諸軍奧魯所在並有能名  
何如夕景難留隨年有限至元十五年十一月初六



日終于隰州之知州得年四十有四次曰懷寶天不  
與口至元十二年八月二十一日以疾終享年三十  
有七次曰懷琇暨瑛之長子榮琮之長子子厚若三  
子者卽都帥公之孫也一日踵門詣予涕泗而言僕  
口追思祖考父兄雖不逮於古人以三世之榮耀貽  
及子孫亦吾門之甚幸况我祖先建墳之際已立石  
人石虎五十餘年於茲矣惜無旌紀昭示來口其于  
先公創業艱難自終始顯仕之行事閭焉而不彰異  
日何以見先祖于地下赤天地之罪人耳今不肖之  
昆仲有口口生成不能追配於前人猶得以王宗一  
線之餘慶敢以碑銘爲請子盍爲我言之口口牢辭  
不敏才疎義口固不能奉揚一門三世之宏休適足  
以招後來之誹謗口敢以文爲辭不已姑撫其平昔  
見聞之實以告來者仍系之以銘云銘曰

昔遭時變六合豺狼率先歸命口荆除荒扶口拯溺  
僉曰循良金符榮職恩光口口有子代職視民如傷  
口口口口立志非常歷遷五郡益顯榮昌三世簪纓  
虎視鷹揚功成名遂身爲舟航口口口口口口退藏



昔至元□□□□□□□□□□會孫劉興□□

案碑首闕五十餘字其標題及撰書人銜名並磨滅惟存學正王子成書篆五字據前志知爲劉會碑也銘辭十一韵中闕十餘字前志旣據碑文爲立傳而載銘辭於藝文以意補綴點竄增爲十三韵又直以撰文者爲王子成亦不合也爲人志墓而專於鋪陳其子孫文體可云卑冗然邑中文獻明以前闕如賴此文及王氏諸碑於有元一代猶巖見崖略也

元王氏世德碑

正書額篆王氏世德之碑六字

前太原路儒學正劉敬立撰

承務郎同知堅州許天麟書

□□務郎祕□監楊桓篆

至元辛亥冬前平晉尹王君仲祥與其堂弟石州吏目仲祿相率來言於予曰敝宗自宋遯國朝正名教乎繁峙者今二百年矣子孫繼□遺業□存罹變故來□□桑梓遭遇聖明伯祖考昭武君始大仲祥輩

賴之遂至今日家維前人垂裕後之惠無以仰報萬  
一乃共協力礱一石於先隴之側欲紀世次本末以  
示來裔故秘監楊公□□□□世德之碑碑當  
有錄舉吾族人咸願屬筆於子推□□來請惟吾子  
惠顧之予於平晉爲□弟親愛中尤愛尤篤知其家  
世爲詳故不辭而論次之昔周靈王太子晉□□□  
□□□其後爲王家□□姓之所自出上世昭穆遠  
不可考其始見於譜□□□者□金初年自繁時  
□□□□□□□□□謂蔭家往□也及卒葬

於此後世因之澤娶劉氏生五子貴滿聚雄甫皆能  
孝弟力田以豐殖其家雄長子定好施喜賓客遠官  
賢士或過其門□□□□□□□□□□遇貧  
急輒欣然資助於是得鄉曲之譽四子曰明日兆曰  
昇曰斌明早天兆少補宰吏非所好棄之從旁郡諸  
豪俠游排難解紛不避強禦衆服其義里人爭訟往  
往就質曲直縣長吏而下□相結納與定丁丑□大  
兵圍雁門游騎及境金人棄城奔潰城中遺民共推  
公與縣人劉會同領縣事謀走南山棚險自保公度

不可行乃與會等十數人持牛酒□□□主帥應  
下通姓名款□且獻攻取之策主帥□公言貌以便  
宜擢授左監軍事判官盡還先所俘繫時□一縣賴  
以全濟繼授監國公主教遷昭武將軍監州左副元  
帥時兵荒之餘公率先僚屬□游獵勤政務招集散  
亡勤課耕稼在職二紀威惠有聞□□辛亥□議吏  
定官判郡州武職多見易置公春秋已高卽謝事家  
居享壽八十而終昇姓樂易善治生在兄弟間獨能  
孝友待親故曲盡恩義出入里閭無論少長皆以三  
翁呼之莫敢斥其姓字其經紀家務訓飭子弟一一  
有矩□□今耆舊多稱道其爲人斌有丰□又善騎  
射昭武恃爲爪牙金將武仙餘黨匿五臺山中爲盜  
近山居民多被竊掠公切知所在逮捕其魁自是羣  
輩遠遁合境清謐故時人有□□者昭武四子曰喜  
曰玘曰瓏曰瓊□嘗權堅州軍民長官瓏早逝娶田  
氏以貞節著孤仲實以孝行聞州上其名聯被旌表  
三翁四子曰璞曰瑞曰瑜曰珍珍太原□捕□□□  
□□□斌一子曰璠好賢樂善□□君子玘生仲寶



仲文仲口仲良仲讓瑾生仲實仲享仲元仲元妻韓氏夫亡守節鄉黨稱焉瓊生仲通仲敏瑛生仲威仲安仲可瑞生仲秀仲慶仲山瑜生仲簡珍生仲福仲祿仲榮仲昌璠生仲祥由戶部令史歷代州澤州判官平晉縣尹今轉芮城積階承事所至有惠利仲祿吏部籍記各路提控案牘代次口家初昭武以藥院僻遠負郭東北有別墅曰聖水令二弟徙居之又自卜築於城南里菟裘之地故仲祥由其大父招討而下仲祿自其禍提領始各立新阡於聖水西北原惟

昭武口後猶祔葬於祖塋三房子孫合千餘指皆循純謹遵奉家訓非仕則農田園沃壤水陸之利甲一州聯姻引戚莫非卿士大姓每歲上墳老幼畢集牲酒豐潔以享以宴熙然有太平醕朴之遺俗聞者歎歎予嘗竊有所感近代口兵緣邊郡邑首被其害當時勢家貴族握據權位其力足以捍患難庇宗族一旦猝遇擾攘骨肉流離至有無遺類口顧王氏僂倪田里之間而其後乘時奮興累世蕃衍漸被文明之化貞婦孝子良民口吏表表出諸其門非隱德所致

能如是耶吾知楊公題額之意爲不過矣因總其實而繫之以銘銘曰

於維王宗趾迹田里世懋碩德永依□□南麾金祥時終□□昭武爰知□從椎牛犒師義覲元戎官超副將教授斜封昆季聯翩或角或倚合散扶□實推仲氏敦訓於家□□生死合境趨□威名並美淑人之裔光遠有耀□□重熙羣敦風教一門盛德婦貞子孝亦有良吏卓爲民表淳沱之源溢爲晉川簪紱相承碩大且賢奉先思孝垂裕後昆雲臺北麓繁峙東原高墳累累松楸茂蕃伐石勒銘欽此格言

元皇慶元年□月□日孫男承事郎芮城縣尹兼管本縣諸軍輿魯勸農事王仲祥□□

案碑云辛亥議吏定官判郡州武職多見易置辛亥爲蒙古憲宗元年時世祖以皇太帝領治漢軍民戶更新庶政也

元加封孔子詔

有陰

正書在文廟泰定三年立

上天眷命皇帝制曰蓋聞先孔子而聖者非孔子無

以明後孔子而聖者非孔子無以法所謂祖述堯舜  
憲章文武儀範百王師表萬世者也朕纂基丕緒敬  
仰休風循治古之良規舉追封之盛典加號大成至  
聖文宣王遣使闕里祀以太牢於戲父子之親君臣  
之義永維聖教之尊天地之大日月之明奚罄名言  
之妙尙資神化祚我皇元主者施行

大德十一年七月十九日

碑陰

重修廟學

提調承造承務郎冀甯路堅州達魯花赤兼管本州  
諸軍奧魯勸農事教化刺

奉議大夫冀甯路堅州知州兼管本州諸軍奧魯勸

農事劉希元書丹

忠武校尉同知堅州事馬從政

將仕郎冀甯路堅州判官冀慈

司吏韓仲祥王景修張弼范公讓習忠口

儒戶張待舉張子彥田松王子成孫說 直學鐔惠

耆宿劉侃 進士孟時中



前司吏張翼李文質 前直學張口

貼書侯翼董沆冀口王仲年王克讓口謙劉居簡張

口劉君璘穆彬口口實劉居善口子口口榮侯諒侯

賢孫得才宋天佑王國瑞謝元 書狀王維直

儒學生員盧敬田廉康達張堅郭忠王信李恭李君

琦口口口姚秀田仲容郝俊師仲才自思賢陳謙劉

顯曹安董真王才卿王懋李欽王克勤王克謹

祇應頭目王遠黃麗明 庠子張世倫王諒 樂工

馬顯高馬中貴張伯機 坊正劉伯榮 丹青提領

穆寬甫穆彥温 漆匠提領趙惠夫 石匠提領曲

陽縣劉國用汪澤劉潤劉通本州賈善刻

泰定三年十月十五日堅州立

案大德詔詞爲翰林學士闕復所撰見元文類是

碑乃泰定間修學後補立者故碑陰題名所列官

吏士民以及工匠皆備明萬歷時移建廟學自舊

城徙置於此舊志遽謂縣學始建於元豈未見大

觀聖作碑耶

元殷府君墓碑

正書在縣西十五里東莊村元統元年立

有元贈奉議大夫冀甯路總管府治中驍騎尉孝義  
縣子殷府君碑

奉政大夫藝文少監同檢校書籍事歐陽元撰

奎章閣授經郎□□□揭傒斯書

大中大夫參議中書省事張起巖篆額

府君姓殷氏諱珍字□□□家世汝南□□□□  
□□□□□□□□祖考諱成考諱福□權堅州諸  
軍奧魯□府君生資惇愿早自植立寡嗜好樂廉退

輕財而善與鄉有空乏或朋友孤遺輒周之無難色  
而自制樽約平居褒衣大帶被服雅素有儒者風整  
娛家務□□□□□□□□有禮御藏獲不爲苛噶  
與賓客言終日不及封殖惟以陰德報施勸式前哲  
嘗曰吾生平好善如登視力所□後世當有興者乎  
父老志其言自弱至壯州郡薦辟皆辭不就至元二  
十六年三月二十四日卒年四十八葬五臺山之東  
莊村娶常氏繼靳氏子三人長仲興將仕郎東平等  
處管民同提舉次仲温由宿□衛歷事仁廟至今朝

卷四  
三  
口慎膚敏起口奉宸庫副使五遷朝列大夫同僉中書院事次仲亨將仕郎中瑞司典簿以仲溫貴贈奉議大夫冀甯路總管府治中驍騎尉孝義縣子夫人常靳追封孝義縣君靳後君四十年卒持家口口口口肅雍教諸子迄於成祔府君阡女一人適王口孫男二人慧忠孫女五人忠國學生從余遊致父命來請銘辭曰

受姓周恪族大維殷生也曠口沒爲封君仲子早貴布政中闈錫予鉅萬器物帛衣對手稽首使口便番鉅口密章責親九原百川有宗學海必至萬木同本均暢壹遂府君播種爾後是鉅如川濬支如木食實臺山峩峩永安厥居啟壤郡國承茲權輿松檟逾拱貞石斯樹太史表之慶厥鴻譽

口口癸酉年十月戊戌日未時

朝列大夫同僉中政院事仲溫立石

冀甯路提舉口領官仲恩

晉甯等處管民提領仲禮

大同等處管民提舉天祿



北五州管山提領 履

西州管民同提舉 德

冀甯管民提舉 滿

西川管軍百戶 秀

案順帝元年歲在癸酉碑所泐之年號爲元統無疑是年圭齋拜翰林直學士而結銜仍書藝文少監蓋文成於至順時元統初始上石也石甚精緻光瑩如鑑揭曼碩書亦道勁可觀剝泐者僅二十餘字耳其旁又有一碑大刻唐勅封鎮國將軍殷公開山之墓蓋文中序其家世及開山子孫遂爲此以實之也開山京兆人爲唐初佐命勳臣封渝國公而碑乃云勅封將軍亦拙於作僞矣

元王氏墓幢

正書在聖水村至正四年立

大元冀甯路代州雁門驛提領王公祖考先德之銘夫世有積陰德者獲陽報昭然著口時也果何人哉惟提領王公其人乎公諱思問字子裕丰度磊落器宇寬宏心侔儻而氣崢嶸貌魁奇而口俊異律身謹

厚行履端方忠信結交於朋友孝弟稱揚於鄉黨而  
所與交者皆當世豪傑之士非俗輩之流也公自幼  
時聰明穎悟喜讀儒書既冠而口研吏業通明法律  
所以於至正二年以茂異之才蒙本站人戶所保申  
奉上司文字優陞雁門驛提領官守是站其地據河  
東形勝當驛路之要衝庶務繁劇公處之泰然有餘  
裕不爲憂懼其撫字本站人戶折斷詞訟事皆順利  
絕無私徇允愜輿情卒以公勤清慎冠稱處事三載  
年甫四旬有九便甘壯退榮歸田里光耀鄉曲優游

自樂余故知其陰德有素上世積累亦必有厚也故  
舉當世之人知命知止志行高潔有如公者百無一  
二案其譜系鄉國冀甯籍貫堅州自高祖以來家居  
聖水頭迄今已歷五世矣公之高祖王兆榮授繁陽  
左副元帥優陞昭武將軍娶張氏曾祖名瑛未曾歷  
仕娶曹氏生二子長名仲威次名仲可皆思問之祖  
仲威進士河東交城縣鐵冶管勾娶殷氏生二子長  
名鈞次名鑑鈞娶郭氏生一子卽公思問子裕公娶  
孫氏一子名瞻字視遠公以其父生時一旦遭疾詔

已遺命曰吾死汝葬我於居宅西北之地是吾志所願也公應曰諾及父卒公不敢忘於是創構□□塋兆之地爰捨珍財鳩集工傭經營修建遂至落成葬盡其禮喪致其哀感鄉人之歎曰嗚呼仁賢奇士何壽天之不常所以知人生於世相遇之實難也若公之用心豈淺哉皆聖代之盛事名門之善慶俾先考如願所依歸之地命子孫有所瞻仰之處豈不偉與公居間之際而春秋霜露之感不忘乎禴祠蒸嘗之祭謹依四時何致有闕既而□□有年至正甲申孟夏公思先世生我鞠育之恩慈長而身立所致如此乃先慶之貽也泣謂友三人司吏劉居善張仲柔范德初曰予欲元堂有刻以狀其素志紀平昔所歷之一二上得以無愧先人之訓誨下以示子孫吾志畢矣予忝居教職流滯淳源與公等交遊久經歲月致懇求爲其文於理不可辭是以採摭餘芳敘述如右公之陰德著聞於世推原所自歸功先世觀乎家庭芝蘭玉樹後先發口繼盛簪纓綿綿不絕更爲加勉昭口陽報可勝旣哉詩云永言孝思孝思維則其此



之謂與是以銘之銘曰

嗟哉王氏篤生善人尊親至孝遠近稱仁名貽後世子孫誥誥陰功務積令德爾新志行高潔迥出同倫象貌堂堂衣冠肅整官廩三年雁門提領惟考立塋聖水之頭繼志述事天降徵休今仁若此德昭孔陽澤深不涸璠璣生光滹水之北北山之陽□□感激親□不忘勒石爲銘垂顯無疆

昔至正四年孟夏上旬十八日雁門驛提領王思問立石 曲陽縣□□□刊

冀甯路儒學正宣授中衛親軍都指揮使司儒學教授緱勵撰文子緱克思述

冀甯路堅州里榮遷大同路掾范添督工兼撰尊勝呪之銘

冀甯路堅州里宣授中武校尉大都路同知涿州事張讓書丹

高祖元帥王兆妻張氏曾祖王瑛妻曹氏二子王仲威妻殷氏仲可妻和氏仲威二子長鈞妻郭氏男思問妻孫氏子瞻字視遠次鑑妻吳氏二子長思聰次

思齊

佛頂尊勝陀羅尼神呪經

經文三百餘字不錄

此陀羅尼十萬億如來同共宣說若有善男子善女人  
口誦耳聞將來不墮胞胎之身蓮花化生若有鬼  
神聞此陀羅尼悉發菩提心難苦解脫

積善平生志經文誦此時銘鐫尊勝呪報父母恩慈  
案此幢與王氏世德碑爲一家之物而文則遠遜  
且標題旣曰祖考先德而專頌恩問殊非體裁又  
先德之稱始於唐猶先考也此曰祖考先德亦不

合

元官水磨碑

正書在南關至元二十二年立

翔建官水磨碑記

鄉貢進士東魯歐陽讓撰并書丹

夫堅州□□□□金曰縣曰州其來尙矣西連冀  
晉東□幽燕南接趙衛北邇雲京雁門阻阨潯沱湧  
濤土地□□□□之路亦當其衝要□□□經人  
物因於彫敝軍馬調度餽餉竭於財用當庚子至正

廿季夏總兵官中書平章政事選委完者帖木兒  
口口口魯花赤兼防禦巡綽事下車蒞政撫輯殘民  
是年五臺有營造之費南路有齋膳之修本州繁給  
日十八口完公親官府之冗輸憂貧民之病擾憫心  
日瘁念茲在茲每與同知韓仲彬屢言其事意爲立  
法韓公乃曰本州民李唐祖有磨一所兵革殘廢基  
趾尙存可於俸金內鳩集以酬厥價効力口成厥功  
取其收蓄之物罄輸於官以給三處之費不其美乎  
完公曰善於是知州常奉直權知州楊完者不花達

魯花赤馬奉訓判官哈敦武判官范維新吏目李玘  
宗忻然奇之未及行命邑人知之拜於廡下禱曰豈  
弟君子民之父母我公輕徭薄賦施治立法本愛吾  
民也吾民上無報德之誠下無奉公之勤願奉物酬  
價興力刱建以需官府之用完公弗之允邑人叩首  
廡下完公弗允者三越明日邑人咸集獻物若干完  
公怪而義之韓公乃不避劬勞力於經營鳩工樂事  
庶民是效縮版以載百堵皆興亟之攻之不日成之  
龍窩渠堰之周完水土木石之堅緻房屋儼然而匪



昔碾磨煥然而更新滹沱水利十分爲率北渠六分  
南渠四分官磨乃取其四分耳旬日之間水行磨動  
收物孔多一州之給有餘三處之供不絕吏不下鄉  
野有謳歌治行俗美民安物阜官府簡易郡境肅清  
嗚呼向非得爲政之道其何能盡致民之效也口余  
家東魯客邸茲郡韓公以師敦禮子其學焉完公勉  
勵生徒百有餘人偉哉完公勤於治民敬以禮賢郡  
縣同人斯民受福正無以美二公之董一於是請余  
作記以好古博雅而論余固不敢當遂筆其事以誌

後來云爾

至正二十二年夏五月吉日立石

冀甯路堅州吏目李玘宗

冀甯路堅州權本州判官范惟新

敦武校尉冀甯路堅州判官哈刺八都克

冀甯路堅州同知州事韓仲彬

忠翊校尉冀甯路堅州同知州事郝顯祖

冀甯路堅州權本州知州事楊完者不花

奉直大夫冀甯路堅州知州事常禮

奉訓大夫冀甯路堅州達魯花赤兼管本州諸軍奧魯勸農事馬哈馬沙

冀甯路堅州達魯花赤兼防禦巡綽事完者帖木兒  
監造官權本州判官劉思道

案元史成宗文宗諸紀皆備載五臺山營造事而順帝紀中無之由順帝實錄全闕明初修史皆由州縣條採軼事上聞故災異居其大半是碑所記五臺營造實可補史闕也碑後列銜達魯花赤知州同知州判官皆二員一正一權同理州事當時制度殊不可曉

明金碧峰禪師設利塔碑

正書額篆碧峰禪師金公設利塔碑十字在黎峪村洪武六年立

寂照圓明金公設利塔銘

有序

禪師諱寶金族姓石氏其號爲碧峰生於乾州永壽縣之名胄父通甫宅心從厚人號爲長者母張氏嗜善弗倦有乘門持鉢乞食以觀音像授張且屬曰汝謹事之當生智慧之男未幾果生禪師白光煜煜然

照室幼恒多疾纏綿衾枕間父母疑之曰此兒感祥  
徵而生其宜歸之釋氏乎年六歲依雲寂溫禪師爲  
弟子旣薙落受具戒徧詣講肆窮性相之學對衆演  
說纍纍如貫珠聞者解頤已而撫髀歎曰三藏之文  
皆標月之指爾昔者祖師說法天華繽紛金蓮湧現  
尙未能出離死生况區區者耶卽更入禪林時如海  
真公樹正法幢於西蜀晉雲山中亟往見之公示以  
道要禪師大起疑情三二年間寢食爲廢偶攜筐隨  
公擷蔬於園忽凝坐不動歷三時方寤公曰爾入定  
耶禪師曰然曰汝何所見曰有所悟耳曰汝第言之  
禪師舉筐示公公非之禪師寘筐於地拱手而立公  
又非之禪師勵聲一喝公奮前搯其胸使速言禪師  
築公脇仆之公猶未之許嘆曰塵勞斃息定力未能  
深也必使心絕祖關透然後大法可明耳禪師聞之  
愈精進不懈遂出參諸方憩峨嶓山誓不復粒食日  
採松柏啖之脇不露席者又三年一念不生前後際  
斷照體獨立物我皆如自是入定或纍日不起嘗跌  
坐大樹下溪水橫逸人意禪師已溺死矣七日本退



競往見之禪師燕坐如平時唯衣濕耳一日聽伐木  
聲通身汗下如雨歎曰妙喜大悟十有八小悟無算  
豈欺我哉未生前之事吾今日方知真爾急往求證  
於公反覆相辯詰甚力至於曳傾禪榻而出公曰是  
則是矣翼日重勘之至期公於地上畫一圓相禪師  
以袖拂去之公復畫一圓相禪師於中增一畫又拂  
去之公再畫如前禪師又增一畫成十字又拂去之  
公視之不語復畫如前禪師於十字加四隅成卍文  
又拂去之公乃總畫卍三十圓相禪師一一具蓋公曰  
汝今方知佛法宏盛如此也百餘年間參學有悟者  
世豈無之能明大機用者甯復幾人無用和尙有云  
坐下當出三虎一彪一彪者豈非爾耶爾宜往朔方  
其道當大行也無用蓋公之師云先是禪師在定中  
見一山甚秀麗崇樓傑閣金碧絢爛諸佛五十二菩  
薩行道其中有招禪師謂曰此五臺山秘魔岩也爾  
前身修道其中靈骨猶在何乃忘之既寤遂遊五臺  
山道逢蓬首女子身被五綵弊衣赤足徐行一黑髮  
隨其後禪師問曰子何之曰入山中爾曰將何爲曰

一切不爲良久乃沒叩之同行者皆弗之見或謂爲  
文殊化身云禪師乃就山建靈鷲庵四方聞之不遠  
千里負餼糧來獻者日續紛也禪師悉儲之以食遊  
學之僧多至千餘人雖丁歲大儉亦不拒也至正戊  
子冬順帝遣使者召至燕都慰勞甚至天竺僧指空  
久留燕相傳能前知號爲三百歲人敬之如神禪師  
往與叩擊空瞪視不答及出空歎曰此真有道者也  
冬夕大雪有紅光自禪師室中起上接霄漢帝驚歎  
賜以金紋伽黎衣遣歸明年己丑復召見於延春閣  
命建壇禱雨輒應賜以金繒若干禪師受之卽以賑  
飢乏民又明年庚寅特賜寂照圓明大禪師之號詔  
主海印禪寺禪師力辭名香法衣之賜殆無虛月自  
丞相而下以至武夫悍將無不以爲依皈已而懇求  
還山洪武戊申大明皇帝卽位於建業明年己酉燕  
都平又明年庚戌詔禪師至南京夏五月見上於奉  
天殿且曰朕聞師名久矣以中州苦寒特延師居南  
方爾遂留於大天界寺時召入問佛法及鬼神情狀  
奏對稱旨又一年辛亥冬十月朔上將設普濟佛會

于鍾山命高行僧十人蒞其事而禪師與焉賜伊蒲  
饌於崇禧寺大駕幸臨移時方遠明年壬子春正月  
既望諸沙門方畢集上服皮弁服親行獻佛之禮夜  
將半勅禪師於園悟關施摩伽佗斛法食竣事寵賚  
優渥夏五月悉粥衣盂之資作佛事七日乃示微疾  
上知之親御翰墨賜詩十三韵有元關盡悟已成正  
覺之言天光昭同人皆以爲榮時疾已革不能請闕  
謝至六月四日沐浴更衣與四衆言別正襟危坐目  
將瞑弟子祖全智信請曰和尚逝則逝矣不留一言  
何以暴白於後世耶師曰三藏法寶尙爲故紙吾言  
欲何爲夷然而逝世壽六十五僧臘五十又九後三  
日奉龕茶毘於聚寶山傾城出送香帛積如丘陵或  
恐不得與執紼之列露宿以俟之及至火滅獲五色  
舍利齒舌若珠皆不壞紛然爭取灰土爲盡禪師體  
貌豐偉端重寡言笑福慧雙足所至化之故其在山  
也捧足頂禮者項背相望其應供而出也持香華擊  
梵樂而迎者在在而是不翅生佛出現其行事多可  
書弟子散之四方無以會其同弟子智宣慧福等將



以戊午年六月建塔於文秀山普光禪寺乃撥其大略請安次王普爲狀通徵濂爲之銘上祀園工宿於齋宮濂與禮部尙書陶凱實事左右上出賜禪師詩令觀之其稱禪師之德爲甚備夫聖人之言天也因知禪師之道上與天通下從人願雖不獲任名山大刹要可以無憾然而月林觀公遠承臨濟正宗其第五傳曰無用寬公竺源盛公竺源之道行於南無用之道著於北禪師蓋無用諸孫也濂近銘竺源之墓今又述禪師之行而文諸碑嗚呼哲人云亡奈何不興大法哀微之歎乎銘曰

臨濟崇崇西來正宗益衍以鴻三虎怒投中有一彪氣可吞牛性相紛拏瓜蔓交加入海算沙乃易禪衣乃抵勝師乃治其疵棲身孱顏絕去八還入第一關河水浸淫跌坐樹陰爰濕我襟我松我棖我泉我漿渴飢兩忘實相圓通無物不容悟其本空元徵肇胎陟彼五臺樓閣門開南粵北胡方衣圓顱水赴雲趨無間儉豐香積之充且妥其躬其名上聞便蕃宸恩來自帝闕於赫皇明遣使奉迎館於神京龍文成章

集賢堂志 卷四  
日晶月光鬱其寵榮叶四衆所依胡不甯茲而極其  
歸秦山崔崔口口其頽靡人不哀有崇者岡白虹吐  
芒設利之藏

洪武六年春正月既望奉議大夫太子贊善大夫金  
華宋濂撰并書篆

碑陰

賜金碧峰和尚

沙門號碧峰五臺山愈崇因知業已白此來石壁空  
能不爲禪縛區區幾劫功處處食常住善世語雁鴻  
神出詣靈鷲浩瀚佛家風雖已成正覺未入天臺叢  
一朝脫殼去人言金碧翁從斯新佛號益水益蛟龍  
飛錫長空吼雙履掛高松年逾七十歲元關盡悟終  
果然忽立去飄然凌蒼穹寄與碧峰翁是必留禪宗  
案史載洪武四年冬十二月詔徵江南高僧十人  
詣京師命欽天監筮日就鍾山太平興國寺建法  
會以薦國殤秦厲御製文宣諭天下明年春正月  
辛酉帝服皮弁臨奉天前殿以表授禮部尙書陶  
凱出午門鼓吹前導至寺用梵法白而焚之癸亥

帝指圭面佛勅僧寶金施摩伽陀解法食碑文所  
云普濟佛會卽其事十高僧者寄泐來復梵綺守  
仁清濬曇噩慧日居頊夷簡及碧峰也

具生吉祥禪師舍利塔碑

正書額篆西天善世師設利塔碑十字在黎峪村  
洪武十六年立

西天善世大禪師板的達公設利塔銘

有序

杭州靈隱景德禪寺沙門豫章來復撰

晉府長史奉政大夫桂彥良書并篆額

天竺之國有五而總名印度南際大海西控波斯北  
距雪山東接林邑中曰迦維羅衛雄據四天竺之會  
卽釋迦如來降靈之地也肇自漢永平間佛法西入  
始與華夏相通然僧之由中印度而來者絕少惟竺  
法蘭首至洛陽其後若佛陁跋馱羅之於晉曇無讖  
之於宋求那昆地之於齊般刺密諦之於唐皆能講  
譯經綸傳授昆尼爲義學所宗至於曇柯迦羅之居  
魏則又專於慧學而直明心要此皆中印度高行之  
士自是以來變化中國者不多見後五百年隆然特



起而繼絕學者則善世禪師具生吉祥其人也師諱  
具生吉祥別稱板的達生與釋迦同國姓利帝利氏  
父母初爲絕嗣每以誠願禱於佛母之祠垂至暮年  
其願愈確忽一夕中坐寐之間覩佛母於前手攜童  
子祝曰此子授汝酬汝志願汝當護持他日當拯四  
生俱越四流成妙吉祥言訖忽覺遂紀前因吾今滿  
願當名具生吉祥至期獲師過七日已母尋命終父  
亦隨滅乳母贍育後從沙門出家於迦濕彌羅國蘇  
囉薩寺上座部中禮速抄那室利爲師難落受具習  
通五明經律論之學辯析邪正雖國之老宿莫或過  
焉然自以言說非究竟法乃復精修禪定不出山者  
十餘年時慧學沙門迦嘛囉室哩爲國人所尊師往  
謁之卽蒙印可時諸鄰國爭迎供奉師皆弗赴嘗慕  
東震旦國有五臺清涼山是文殊菩薩應現之處吾  
瞻禮遂發足從信度河至突厥窺歷屈支高昌諸國  
其國王臣喜師至者無不稟受法戒凡四閱寒暑始  
達甘肅寶元之至正甲辰歲元主聞師道行召至燕  
京館於大吉祥法雲禪寺師嘗禪餘則普施法食仍

模佛塔形像持花香等呪願供獻散置水陸時年季  
秋河流結束四民汲水挾冰取水隨冰大小皆具佛  
塔形像耆年碩德皆議歎訝莫究端倪傳聞內庭密  
詔詢釋善其吉凶師嘗答言國家當以金兵興焉非  
我靈異於時復就內花園結壇受灌頂淨戒賜衣設  
供恩禮稠洽國朝洪武二年巳酉西遊五臺獲竟初  
志駐錫于壽安寺五載恆山之民率從師化者甚重  
七年甲寅師別五臺至金陵寓居崇禧新寺今上皇  
帝嘉其遠來召見奉天殿奏對稱旨特賜銀印加以  
今號俾統制天下諸山仍移文各郡民有從善者許  
令詣蔣山受菩薩戒法所司無桀自是南北緇白之  
流來集座下日聽演說包屨填委至無所容雖武夫  
捍卒觀師慈相咸舉手加額善心油然而生囊金匱  
帛之施光斥几席師皆視之漠如一無所取或強之  
受則隨以濟貧乏以故有譏靡不交譽其賢明年三  
月上駕幸中都特遣近臣賜詩慰安之嘗御製善世  
謬以褒美其德有談笑般若生紅蓮之句至今震耀  
見聞爲叢林盛事九年丙辰秋師奉旨參禮觀音大

士之寶施羅伽山住冬於天目師子巖旣而泝彭蠡  
登廬阜渡長淮拜四祖五祖塔下十一年戊午復還  
蔣山依止八功德水住山物先義公妙雲資公皆盡  
禮延待之還山之日入見主上於華蓋殿問勞甚至  
勅光祿設盛饌賜以黃金耳環蓋從西竺儀飾也未  
幾有旨遷蔣山舊寺於龍岡之東偏是五月命內官  
鄭興慰問禪師居止安好師卽告曰聖恩重重終難  
以報奈余老朽因緣旣彰欲徑少陵清涼以歸老矣  
興復奏遂筆勅符賜師所往故嘗有飛錫而往錫止  
而禪樂自然天地之言是二住山當部告留延居蔣  
山卓庵而終老焉駕幸蔣山必造師室諮問法要且  
屢賦詩頌以贊以規文多不錄師篤實有行解不矜  
名不崇利居無服玩出不騎乘以是見知於上每示  
僧必以師爲式焉十四年辛酉夏五月初師患足疾  
近侍以聞卽命官醫往視之不可至二十四日午時  
集近侍徒告曰汝分値下秋各以如來大法自壽毋  
當懈怠又囑曰孤麻羅室利汝善守奉梵夾貝葉樺  
皮等經又曰尙擬少陵五臺之歸未遂今後汝等敢



力前者則附吾此梵書一帙洎余遺骸少分至彼足  
我願矣比正道琦等荷其言時內府監丞崔安常隨  
李琪等官奉命問法師略答竟卽更衣盥沐危坐良  
久提其數珠示衆而化正據未時停龕六日門維獲  
五色設利無算煙焰所及皆綴於松枝若貫珠焉弟  
子孤麻囉室利等斂其遺骸而塔藏之師之年臘未  
詳故不載書示衆語三卷盛行於世受授菩薩戒示  
衆弟子黃福燈蔣智暹等八萬餘人江淮閩浙川廣  
至於夷狄之流得聞法於師者必繪師像於家以崇  
敬焉是年秋八月其門人智光以師塔石未有志乃  
書其行實來謁銘余與師篤禪悅之好相知爲甚悉  
師示寂日余往弔焉今於是銘誼不得辭乃爲撰次  
其說以示來葉嗚呼師以五明之學馳聲西竺久矣  
旣而踰漠絕嶺不憚數萬程之險遠毳衣皮履翩然  
爲法東此於人情亦難能矣然而道契聖主有大因  
緣遂致善世統教爲中一代碩師非菩薩羅漢乘願  
再來孰能光顯盛大有如是者哉謹合掌作禮而爲  
之銘曰

金天之西有國乾竺高山大河靈氣紛郁日迦維衛  
天地之中篤生文佛爲世大雄惟善世師與佛同里  
震旦東來宏法普施道契聖皇賜居崇禮銀章統教  
妙演毘尼耳貫金環身被茜衣出入華蓋煥乎容儀  
萬衆趨風羅拜稽首三聚十支重譯而受有大因緣  
祚我皇國象教重興如日斯出蒙恩布遊不驛而馳  
朝吳暮越雲行易飛踰巖乃還宴息鍾阜應供諸天  
旃檀圍繞了身是幻露電星虹泊然而逝達此蘊空  
仰瞻妙容設利五色靈鑑洞然照而常寂流沙萬程  
驚嶺天開不起于定而示去來我銘非真而默斯契  
一月千江太虛無際

大明洪武十六年歲在大淵獻季春庚午之辰建工  
仲夏庚戌之日慶成浮圖鎮於清涼山文岫普光禪  
寺碧峰禪師靈塔之右天竺苾芻孤麻囉室利支那  
福唐釋寶光吉祥道琦等立

御製善世禪師歌

師生好善善心堅宿緣曠作今爲禪出世本在深西  
域與佛同居快樂天定裏忽聞人造業觀空飛錫來

東邊頂相異人拜前嘆談般若生紅蓮化凶頑從此  
見晨昏俯仰皆幽元贊佛說法近市鄜驛驢雜還擁  
粉鈿身何戀松下坐機忘甲子不知年

洪武乙卯端陽後一日賜膳就崇禧花園製

案撰文之來復字見心豐城人爲十高僧之一能  
詩有蒲菴澹游二集

雜志

新纂

晉悼公十年滅偃陽以偃陽子歸使周內史選其族

嗣納諸霍人

左傳襄十年

漢七年周勃以將軍從高祖擊反者韓王信於代降

下霍人以前至武泉

史記周勃世家正義武泉在朔州北

樊噲從攻韓王信自霍人以往至雲中與絳侯等共

定之

漢書列傳案霍霍同字霍人地理志作稜人

晉永嘉三年雁門郡後人縣百餘家避亂入五臺山  
見山神爲之先驅因而不返遂甯巖野往還之士稀



有望見其村居者至詣訪莫知所在故俗人以此山  
爲仙者之都焉寰宇記引  
水經注

北齊河清三年突厥入境代忻二牧悉是細馬合數  
萬匹在五臺山北柏谷中避賊賊退勅送馬定州付

人養飼

北史白  
建傳

隋開皇七年二月發丁男十萬餘修築長城隋書高  
祖紀

隋長城詳見古蹟 煬帝紀大業四年蒸代緣邊諸  
郡旱時發卒十餘萬築長城帝親巡塞表百姓失業  
道殣相望十三年大旱時郡縣鄉  
邑悉遣築城男女無少長皆就役

唐武德七年頡利願款北樓關請互市上不之拒唐  
書

突厥  
傳

後唐清泰三年詔應州修茹越口

宋端拱元年冬代州刺史張齊賢簡廂兵千人爲二  
部分屯繁峙崞縣遼人自大石路南侵爲繁峙兵所

敗宋史張  
齊賢傳

金明昌四年三月以工部尙書胥持國參知政事持  
國字秉鈞繁峙人經童出身累調博野丞上書者言  
民間冒占官地如太子務大王莊非私家所宜有部  
委持國按覈之持國還言此地自異代已爲民有不

可取也事遂寢尋授太子司倉轉掌飲令兼司倉擢  
祇應司令章宗卽位除宮籍副監賜宮籍庫錢五十  
萬宅一區俄改同簽宣徵院事工部侍郎並領宮籍  
監閏三月遷工部尙書使宋明昌四年賜孫用康榜  
下進士第拜參知政事會河決陽武持國請督役遂  
行尙書省事明年進尙書右丞承安三年以通奉大

夫致仕頃之起知大名府事未行改樞密副使佐樞

密使襄治軍於北京尋卒於軍諡曰通敏

按持國以附元妃李

氏金史入之佞幸志乘之例書美不書惡爰刪節本  
傳載之是篇其他仕蹟可稱者如明昌中上與宰執

言區田法持國曰今日方之大定間戶口既多費用  
亦厚若區種之法行良多利益上曰此法自古有之  
若可行則何爲而不行也持國曰所以不行者蓋民  
未見其利今已令試種於城南之地委官往監督之  
若使民見收成之利當不率而自效矣時議罷經童  
科上以問持國對曰是科蓋資教之術耳夫幼習其  
文長玩其義使之蒞政人才出焉如中選者加之修  
習進士舉業則所記皆得爲用臣謂可勿令遽登仕  
途必習舉業而後官使之可也若能擢進士第自同  
進士任用如中府薦或會試視其次數優其等級幾  
舉不得薦者從本出身似可以激勸而得人矣具見  
金史食貨選舉諸志其黨與當時號爲胥門十哲者  
名臣居半未可以權奸論也徒以進身猥鄙致干清  
議冒惡名於史冊雖以其子英國之賢不能掩也可  
爲士大夫驟  
進之炯戒

唐業方者解脫和尚法孫貌古神奇嘗於中臺入定

是日有人見在代州持鉢行乞太原信士數人送文殊像至山滹沱泛漲像不能渡師振錫前道水爲斷流衆人隨過水復湍激大厯元年於秘魔巖畔翹足而化州宰建塔瘞之一夕火光燭天明旦視之塔內了無一物異香數日乃歇

清涼山志

北臺後有古木百圍中空唐僧惠湛入處其中每止靜三日乃起木义和尚訪之湛方在定义呼之曰湛閣黎湛出定瞪目視之义曰汝在生死穴中耽著何時是了期湛忽然大汗如雨後人呼其樹爲生死藥

同上

元德明仙雞歌序曰繁峙義興鎮酒家韓氏畜一雞以善鬥雄其鄉一日敵家以藥飼雞使不知痛求與韓氏雞對久果被傷下頷不收垂死矣一賣藥道人過其門曰我能活此韓欣然使療之里中諸兒隨看者一二十輩皆使向壁立道人以雞置籠中探手良久若摩拊然已而取瓢水嚙之置瓢籠上卽出門兒曹怪其久不還竊視之雞喙已復生矣道人布袍草冠腋下懸青囊落曉嗜酒夜宿寺閣上韓氏子與里



中人奔走求之並所臥薦不在矣時明昌七年仲規  
弟爲此鎮酒官子亦在焉作仙雞歌以記之老雄健  
鬪夸擅  
場韓郎抱歸神色揚豈知黠兒出微幸毒手一發不  
得防毳毛散灑尙可養利嘴一哆何由張青囊道人  
何許來自言救藥吾有方垂鬚嘆水濯殘血半喙隨  
手生新黃筠籠半開聞膈膊草冠已往徒驚忙神仙  
世有甯虛荒惜哉詭激不可量世人驚勇天且剽况  
於物也恣強梁敷榮苦卉變金石未若與世鍼膏盲  
何須變化示狡獪知君辨作淮南王蓬萊東望雲茫  
茫愛而不見心爲狂刀圭不願接凡骨且欲共醉無  
何鄉中

州集

茯苓石膏龍骨各一兩寒水石二兩半白芷半兩細  
辛五錢石燕子大者一枚小者一對末之早晚揩牙

繁峙王文漢卿得此方於麟撫折守折年逾九十牙  
齒都不疏豁亦無風蟲王文今亦九十食肉尙能齒  
決之信此方之神也續夷  
堅志

胥莘公嘗夢泰山神告之曰敬我無福慢我無殃當  
行善道家道久長每以此語人事見家傳同  
上

貞祐四年六月河東北路宣撫副使幹勣合打奏同  
知西京留守完顏琢徙居代州肆爲侵掠權堅州刺

史完顏斜烈私離邊面金史完顏  
伯家傳

興定元年元兵掠堅州金人棄城遁州民劉會王兆

率衆歎附正大三年金將武仙取平定孟五臺阜平軍東山定襄樊天勝入滹沱原設方略門山軍擣其

巢穴殺獲甚衆餘黨據山爲盜王兆弟斌捕其魁始

遠遁

王氏世德碑元好問定襄樊侯壽家記

元中統十七年十一月太原路堅州進嘉禾六莖

元史

世祖記

致和元年八月乙巳以西安王阿剌忒納失里令遣

隆鎮衛指揮使也連台兒將兵守碑樓口

時泰定帝崩西安王

迎文宗於江陵防諸王也

九月丁卯

是月改元天歷

上都軍攻碑樓口指

揮使也速台兒禦之不克已巳上都諸王忽刺台等

引兵犯崞州戊子入紫荆關

元史文宗紀

鄭祐者小李牛村人學黃白吞吐之術元時與妻李

氏皆飛升仙去

舊志

明正統十四年瓦剌由茹越口入掠忻崞繁峙五臺

舊志

成化四年六月大水大峪口山崩水溢數丈其聲如

雷木石隨下有巨石橫澗中圍五尺厚二丈餘白色

紛質或疑爲老松所化云

舊志

嘉靖七年春大疫秋多虎災

舊志

三十一年秋俺答大舉入寇下渾源靈邱廣昌分兵

西掠代繁峙

明史鞏鞞傳舊志三十二年

三十七年從馬蘭口入

知縣王三益追之斬首一級奪馬三匹

萬曆十五年大旱三十二年六月大水

舊志

三十七年六月縣民李宜妻牛氏一產二女頭面相

連手足各分

明史五行志怪或以爲旱魃

李維楨旱魃解繁峙女

爲虐傳旱神也箋旱氣生魃而害益甚疏引神異經曰南方有人長二三尺袒身而目在頂上走行如飛名曰魃所見之國赤地千里一名旱母遇者得之投溷中卽死旱災消此言旱神蓋是鬼魅之物不必生

於南方可以爲人所執獲者也韋曜毛詩問曰旱魃傳曰天旱鬼筭日旱氣生魃天有常神人死爲鬼不審旱氣生魃奈何答曰魃鬼人形眼在頂上天生此物則將天欲爲災何所不生而云有常神耶藝文類聚引神異經語又云貉檢韻書說文曰旱鬼也周禮有赤魃氏或作媧文字指歸云女媧禿無髮所居之地天不雨周禮赤魃一作艾按此則旱魃神鬼之屬不產於人今女乃人產不合也魃目必在頂俗云天恐雨下傷其目故旱今日不在頂不合也馬端臨文獻通考齊後主時死魃面頂各二目列之人病中正以其非魃有二目在面耳魃已異矣似魃非魃異之異者也前漢書五行志皇之不極是謂不建厥咎眊厥罰恆陰時則有下人伐上之病後漢書五行志同而引洛陽上西門外女子生兒兩頭異肩共胸又引劉倉妻生男兩頭共身以前一事爲董卓之應魃主旱而兩漢志主恆陰其不合較然矣前漢書傳又言凡草木之類請之妖妖猶天胎言尙微蟲豸之物謂之孽孽則牙孽矣及六書謂之既言其著也及人謂



之病病病貌言寢深也故此女怪  
謂之人病其災異在山東牛怪上

天啟七年五月大旱二十五日微有雲氣縣人號臘  
菩薩者素持齋奉佛時方備食渾源李家莊語人曰  
此接吾雲也如不雨而去必大旱三年急設一几坐  
吾於上兩邊設大甕注水於中用二人執瓢以水灌  
吾頂待雨足方止至二十八日雨果大足臘菩薩鼻  
端忽出火自焚空中見纓絡觀音之像里人建廟祀  
之舊志

國朝天聰八年明崇禎七年分道伐明昭勳公圖賴拔靈邱

縣及小石城明平刑關守備梁之孟戰死時舊縣東  
關民羣避入堡兵至有孀婦張陳氏者聚其族力禦  
之親冒矢石堡獲全時稱爲奇女子聖武記先正  
事略舊志

順治五年美瓊反代人劉遷聚衆應之攻陷繁峙大

肆焚掠舊志

康熙元年旱禱泰華池雷電大作空中墜冰長丈三  
尺濶七尺厚四尺上覆茅土舊志

康熙四十六年陽曲民高宏化等叩關指稱太原等  
處有金銀礦願輸戶部銀二十萬兩自備人工開採

下部行查九月戶部郎中赫都巡撫噶禮布政司永  
泰赴繁峙應州等處開挖無驗自是永行封塞

通志

乾隆五年東鄉三會諸村飛蝗食禾縣令孫率民捕  
之不爲災十一月地震

舊志

十年五月十日大雨雹滹沱以南樹木皆空縣令周  
發倉賑貸並給籽粒秋稔

十七年冬有沙雞從北飛來千萬成羣

二十一年六月地震八月大水

二十八年李牛村有牛產犢一身兩頭

三十年二月祀文昌方張樂有山雉飛集屋脊移時  
不去是秋州人居縣者姚秉哲發解

五十九年大水被災諸村賑恤如例

嘉慶六年大水壞民廬舍田畝賑恤如例

道光十二年大饑縣令林倡勸士民出錢粟助賑各  
村所輸尤多賴以全活者無算

十三年大稔次年旱

並舊志

繁峙縣志卷四終

余居繁峙嘗輯補志一卷皆觀書有得隨筆劄記時事未暇及也會纂修通志大令何君价人奉檄採訪屬余增損舊志萃爲一書乃本武功志例參用綱目法廣其門類增以辨證閱月而畢成書四卷凡十三篇冠以十九圖期於有資掌故有裨實政而止潯西子之文誠遠不逮然視舊志爲詳覈矣與襄校者柴子莊鄧子純陳製卿三孝廉辨地圖者宮節之茂才任鈺木者謝聚亭廣文也光緒七年閏月鄉甯楊篤書於繁峙學舍



附錄

繁峙舊志序知縣周人甲

縣之有志志所見也志所聞也余少時從先君子遊每談及某州某邑山川之勝人物之盛古蹟之留遺從旁竊聽輒向往情深弱冠後卽好作山水遊甫壯飄蓬宦海凡足跡所經必繙閱邑乘訪求名勝披荆棘拂苔蘚尋殘碑讀之每思卽所見所聞者筆之書以信今而傳後卒未果癸巳秋捧檄蒞繁下車卽求縣志僉曰前朝屢經兵燹版籍

無存已二百餘年矣其事其文詢諸故老皆茫然  
間有能言者亦復影響舛謬既不能得諸耳聞而  
簿書執掌山巖險峻又不能親歷其地使皆得之  
目擊悵然者久之粵稽疆域其山泰戲其川滹沱  
關隘則有平刑北樓之險人物則有胥相經國之  
才其於前代爲用武地而於山右諸邑爲雄且要  
况經我

國家重熙累洽聲教覃敷遠軼前朝雖邊疆僻壤莫  
不慕義向化風會日上比戶之間彬彬質有其文  
此而無志掌故之謂何且夫作志之難也不可驚  
虛不可蔽故不可逞臆不可徇私余不敏其敢率  
爾操觚貽笑大方然徒以謏陋自安則昔之於所  
見所聞欲筆之書而未克如願者今幸得所藉手  
忍令一邑之事與文日就湮沒而不彰辰茲大矣  
爰於政令之暇細心警校芟其蕪煩補其遺漏信  
者存之疑者闕之閱一年而手錄成帙以待後之  
爲政者考訂焉而付諸梨棗以垂不朽云是爲序  
又序知縣吳其均

繁時邑名肇於秦漢歷代沿革遷移皆有可考余始蒞茲土訪邑志不獲久之得李進士所集并周明府書各四冊而明宰塗公舊志僅存數版良可慨也顧余當下車時清獄訟力催科祈雨澤捕蝗蝻風塵鞅掌日不暇給欲與諸君子諏詢而補葺之而有所未逮洎靈澍應祝轉歉爲豐閭閻輯和案牘日以簡邑人士忻忻然以修志請夫志史之樸也余何敢擅例具牒請於上官上官悉可之乃謀於紳士而簡繕書者採訪者校勘編次者專司度支者同心協力相與講貫余以暇時斟酌其繁省越數旬而遽成成之速蓋因也非創也雖然典禮紀述或未詳人物山川詳矣而未核踵譌闕疑者皆是也而余亟編次以付諸剞劂者非遽謂成書也懼修書者畏難而輒止止則猶弗修也且以待將來任斯土者討論而增削也因也仍創也夫繁峙負山巖距關塞古爲爭戰地城櫓之宜壯庠塾之宜宏武備文事皆邑宰責余不敏曷能舉前人所未舉者一一經營而擘畫之敢以餘力與良



史爭長耶原志創始於塗公其時議遷邑城者吳  
 公同椿太守也越二百數十年而余實繼修邑志


此數百年中豈無好事如余者何闕焉弗講耶其

亦有數存乎其間耶是爲序

縣人與纂修者有宮  
 德潤侯國棟糜天爵

高慎修宮步霄張紹高郭永發李光乾劉鵬化張  
 通淵宮三台張心鑑郭大生韓作霖宮耀南郭端

其名



[光緒]繁峙縣誌四卷首一卷

(清)何才併修 楊篤纂

清光緒七年刻本

四冊

原件收藏

山西省图书馆

原件书号

25001-25004

原件状况

原件个别地方字迹模糊

本部书共摄制 1 卷 卷一至卷四首一卷

版权所有 不准复印



# 本部书完

本片卷含：卷一至卷四首一卷